

Ёзилган - Zabur 68:1(67:2) Қўзғалсин Худо, тарқалиб кетсин душманлари,
Олдидан қочиб кетсин Ундан нафратланганлар.

Ёзилган - Zabur 5:9,10(10,11) Душманларим оғзидан ҳақиқат чиқмайди,
Уларнинг юраклари бало–офатдир. Оғизлари очилган қабр кабидир,
Тиллари хушомад қилади. 10(11) Эй Худо, улар гуноҳкордир, жазолагин!
Ниятлари ўзларининг бошига етсин. Улар Сенга қарши исён қилганлар.
Гуноҳлари кўплиги учун уларни ҳайдаб юборгин.

Ёзилган - Zabur 7:1,2(2,3) Сенда паноҳ топаман, эй Эгам Худо, Пайимга
тушганлардан халос эт, қутқар мени. 2(3) Йўқса, улар мени шердай ғажиб
ташлайди, Бурда–бурда қилади, ҳеч ким мени қутқаролмайди.

Ёзилган - Zabur 11:6(10:6) Қабиҳнинг устига чўғ, олтингугурт ёғдиради,
Уларга улуш қилиб гармселни беради.

Ёзилган - Zabur 18:2(17:3) Эгам суюнган қоямдир, менинг қалъам,
қутқарувчимдир. Ҳа, Худодир менинг қоям, Унда паноҳ топаман. Удир
менинг қалқоним, қудратли нажоткорим, қўргоним.

Ёзилган - Zabur 18:14(17:15) Ўқларини отди, Чақмоқ чақтириб, ёвларини
тирқиратди, Уларни саросимага солди.

Ёзилган - Zabur 18:17(17:18) Мени кучли ғанимларим қўлидан, Мендан
нафратланган ёвларимдан қутқарди, Улар мендан кучли эдилар.

Ёзилган - Zabur 18:39(17:40) Сен менга қувват бериб, жангга юбординг,
Менга қарши отланган ёвни олдимда бош эгдирдинг.

Ёзилган - Zabur 18:45(17:46) Ёт эллар ҳолсизланиб йиқилди, Қалтираб
манзилидан чиқиб қочди.

Ёзилган - Zabur 18:48(17:49) Мени ғанимларимдан У қутқарган,
Босқинчилардан мени устун қилган, Мени зўравонлар қўлидан халос
этган.

Ёзилган - Zabur 23:3(22:3) У менга қайта куч бахш этади. Ўзининг номи ҳақи–
хурмати Мени тўғри йўлга бошлайди.

Ёзилган - Zabur 27:11(26:11) Йўлингни менга кўрсат, эй Эгам, Душманларим
пойлаб тургани учун Мени тўғри сўқмоқларингдан етакла.

Ёзилган - Zabur 31:15(30:16) Ҳаётим Сенинг қўлингдадир, Ғанимларим
қўлидан, Пайимга тушганлардан мени қутқаргин.

Ёзилган - Zabur 34:4(33:5) Эгамга юз бурдим, У жавоб берди, Ҳамма
қўрқувлардан У халос қилди.

Ёзилган - Zabur 34:7(33:8) Эгамиздан қўрқанларнинг атрофида Эгамизнинг
фариштаси қароргоҳ қуриб, Уларга нажот бахш этади.

Ёзилган - Zabur 34:13(33:14) Демак, тилингизни ёмон сўзлардан тийинг,
Оғзингизни ёлғон гаплардан асранг.

Ёзилган - Zabur 34:17-19(33:18-20) Тақводорлар ёлворади, Эгамиз эшитади,
Барча балолардан уларни Эгамиз қутқаради. 18(19) Кўнгли чўкканларга

Эгамиз яқиндир, Рұхан әзилғанларни У қутқаради. 19(20) Солиҳларнинг қайғулари күп бўлса, Ҳамма қайғулардан Эгамиз халос қилас.

Ёзилган - Zabur 35:1-8(34:1-8) Эй Эгам, менга қарши чиққанларга Ўзинг қарши бўл. Менга ҳужум қилғанлар билан Ўзинг жанг қил. 2 Қалқону совутингни ол, Қани, менга ёрдамга кел. 3 Мени таъқиб қилғанларга қарши Найзаю болтангни олгин. “Сенга нажот бераман”, деб Ўзинг менга ваъда бергин. 4 Менинг жонимга қасд қилғанлар Шармандаю шармисор бўлсин! Менга қарши фитна қилаётганлар Уятга қолиб, орқага қайтсин! 5 Худди шамолда учган сомон сингари, Эй Эгам, Сенинг фариштанг уларни қувсин. 6 Қоронғу сирпанчиқ бўлсин уларнинг йўли, Эй Эгам, Сенинг фариштанг уларни қувсин. 7 Сабабсиз менга тузоқ қўйдилар, Мени тутиб олиб ўлдирмоқ учун Сабабсиз менга чуқур қазидилар. 8 Тўсатдан уларнинг бошига ҳалокат келсин, Қўйган тузогига ўзлари ўралиб қолсин, Қазиган чуқурга ўзлари йиқилиб, битсин.

Ёзилган - Zabur 35:10(34:10) Бутун вужудим хитоб қиласди: “Сенга ўхаши йўқ, эй Эгам, Бечорани зўравондан қутқарасан, Фақирни талончидан қутқарасан.”

Ёзилган - Zabur 36:7-9(35:8-10) Содик севгинг, эй Худо, нақадар бебаҳодир! Қанотларинг соясида инсонлар паноҳ топади. 8(9) Улар уйингдаги неъматлардан еб тўяди,

Лаззат тўла дарёингдан уларга ичирасан. 9(10) Ҳаётнинг булоғи Сендадир, Зиё олармиз Сенинг нурингдан.

Ёзилган - Zabur 37:5(36:5) Йўлларингни топширгин Эгамизга, Ишон Унга, У мадад беради.

Ёзилган - Zabur 37:23,24(36:23,24) Эгамиз инсоннинг йўлидан мамнун бўлса, Унинг қадамларини событ қиласди. 24 Ҳатто қоқилса ҳам йиқилиб тушмайди, Эгамиз мадад бериб, қўлидан ушлайди.

Ёзилган - Zabur 37:40(36:40) Эгамиздан паноҳ топгани учун Солиҳга Эгамиз мадад беради, уни қутқаради, Фосиқдан омон сақлайди, унга нажот беради.

Ёзилган - Zabur 39:1(38:2) Ўзимга ўзим шундай дейман: “Юрап йўлларимни кузатиб борай, Гуноҳ сўздан тилимни тийиб юрай, Фосиқлар ҳамон ўраб тураркан мени, Қулф уриб ёпиб олай оғзимни.”

Ёзилган - Zabur 41:4(40:5) Шундай илтижо қилдим Сенга: “Эй Эгам, шафқат қил менга, Гуноҳ қилдим Сенга, шифо бергин.”

Ёзилган - Zabur 42:5,11(41:6,12) Нега тушкунликка тушасан, эй жоним? Нега беҳаловат бўласан ичимда? Худога умид боғла! Шукур этаман Яна Унга — нажоткорим, Худойимга. 11(12) Нега тушкунликка тушасан, эй жоним? Нега беҳаловат бўласан ичимда? Худога умид боғла! Шукур этаман Яна Унга — нажоткорим, Худойимга. (Ёзилган - Zabur 43:5(42:5))

Ёзилган - Zabur 43:1(42:1) Эй Худо, оқла мени! Шаккок ҳалқа қарши даъвоим бор. Ўзинг мени ҳимоя қил. Мени бу ёлғончи, адолатсизлардан қутқар.

Ёзилган - Zabur 44:4(43:5) Сен Шоҳимсан, Худойимсан, Амр бер, Ёкуб насли ғолиб бўлсин.

Ёзилган - Zabur 51:4(50:6) Сенга, ёлғиз Сенга қарши гуноҳ қилғанман, Сенинг олдингда қабиҳликларга қўл урганман, Шу боис ҳукм қилганингда Сен барҳақсан, Айбимни фош этганингда доимо тўғри бўлиб чиқасан.

Ёзилган - Zabur 52:5(51:7) Худо эса сени то абад вайрон қилади, Сени ушлаб, чодирингдан тортиб чиқаради, Тириклар юртидан йўқ қилиб ташлайди.

Ёзилган - Zabur 54:7(53:9) Сақладинг ҳар қандай кулфатдан мени, Кўзларим кўрди душманларим мағлубиятини.

Ёзилган - Zabur 55:18(54:19) Гарчи менга қаршилар кўп бўлса ҳам, Бирорта ҳам зарар етказмай Мени жанглардан қутқаради.

Ёзилган - Zabur 59:2(58:3) Бадкирдорлардан қутқаргин мени, Қонхўрлардан сақлагин мени.

Ёзилган - Zabur 60:12(59:14) Эй Худо, Сен билан биз ғолиб бўламиз, Душманларимизни Сен янчидан ташлайсан.

Ёзилган - Zabur 63:11(62:12) Шоҳ эса Худодан севинч топади, Худо номи билан онт ичганлар Уни мадҳ қилади, Ёлғончиларнинг оғзи эса ёпилади.

Ёзилган - Zabur 66:3(65:3) Худога айтинглар: “Сенинг ишларинг нақадар ғаройиб! Қудратинг буюклигидан Душманларинг олдингда ғужанак бўлади.

Ёзилган - Zabur 68:6(67:7) Худо ёлғизларни хонадонга жойлаштиради, Асиrlарни роҳатга, эркинликка олиб чиқади, Исёнкорлар эса қақраган ерга эга бўлади.

Ёзилган - Zabur 68:35(67:36) Худо қўрқинчлидир Ўзининг Муқаддас масканида, Исройл халқининг Худоси куч–қудрат берар Ўз халқига. Худога олқишилар бўлсин!

Ёзилган - Zabur 70:1(69:2) Ижрочилар раҳбарига. Бизни Эгамизнинг ёдига солиш учун айтилган. Довуд саноси. (2) Эй Худо, нажот бер менга, Келгин тезда, эй Эгам, мадад бер менга.

Ёзилган - Zabur 71:4(70:4) Эй Худойим, фосиқнинг қўлидан мени қутқаргин, Адолатсиз, золим одамнинг исканжасидан қутқаргин.

Ёзилган - Zabur 71:13(70:13) Мени айбловчилар шармандалиқдан ерга кириб кетсин, Менга зарар етказмоқчи бўлганлар Масхара бўлсин, бадном бўлсин.

Ёзилган - Zabur 72:12(71:12) Мазлум нола қилганда, шоҳ нажот беради, Мададкори йўқ бечорани у қутқаради.

Ёзилган - Zabur 76:12(75:13) Худо такаббур шаҳзодаларни бўйсундириб олади, Ер юзи шоҳларини қўрқувга солади.

Ёзилган - Zabur 79:9(78:9) Ўз шуҳратинг ҳақи, бизга мадад бер, Эй нажоткоримиз Худо! Ўз номинг ҳақи, бизни қутқар, Гуноҳларимизни кечир.

Ёзилган - Zabur 86:17(85:17) Марҳаматинг аломатини менга қўрсатгин, Токи ғанимларим буни кўриб, шарманда бўлсин. Мени қўллаб, тасалли бергансан, эй Эгам.

Ёзилган - Zabur 91:14,15(90:14,15) Эгамиз шундай дейди: “У Мени яхши қўргани учун Мен уни қутқараман. Мени билгани учун Мен уни ҳимоя қиламан. 15 У илтижо қилганда Мен жавоб бераман, Оғир кунларида у

билан бирга бўламан, Уни қутқариб, унга иззат кўрсатаман.
Ёзилган - Zabur 92:11(91:12) Душманларим мағлубиятин кўзларим кўрди,
Бадкирдорлар заволин қулоқларим эшитди.
Ёзилган - Zabur 103:10(102:10) Бизни У гуноҳларимизга қараб жазоламас,
Ёмонликларимизга қараб қайтармас.
Ёзилган - Zabur 104:9(103:9) Бу сувлар тошмасин деб, Яна ер юзини қайта
қопламасин деб, Сен чегара қўйгансан!
Ёзилган - Zabur 107:6(106:6) Кулфатда қолганларида Эгамизга нола
қилдилар, Эгамиз уларни азоб–уқубатлардан кутқарди.
Ёзилган - Zabur 118:10(117:10) Душман халқлар ўраб олган атрофимни,
Эгамнинг қудрати билан уларни улоқтиридим.
Ёзилган - Zabur 118:12(117:12) Атрофимни арилардай ўраб олдилар, Тикан
алангасидай лов этдилар–да, ўчдилар, Эгамнинг қудрати билан уларни
улоқтиридим.
Ёзилган - Zabur 121:7,8(120:7,8) Эгамиз сени ҳар қандай хатардан асрайди,
Жонингни Эгамиз омон сақлайди. 8 Ҳозир ва то абад қаерга борсанг ҳам,
Эгамиз доим сенга посбонлик қиласди.
Ёзилган - Zabur 138:3(137:3) Чақирганимда, менга жавоб бергансан,
Қудратинг билан мени жасур қилгансан.
Ёзилган - Zabur 140:1(139:2) Ёмонлардан мени қутқар, эй Эгам,
Зўравонлардан ҳимоя қил мени.
Ёзилган - Zabur 140:4,5(139:5,6) Эй Эгам, мени қабиҳларнинг қўлидан қутқар,
Йиқитмоқчи бўлган зўравонлардан мени ҳимоя қил. 6 Такаббурлар мен
учун тузоқ қўйганлар, Улар тўрларининг илларини ёйганлар, Йўлим
бўйлаб менга қопқон қўйганлар.
Ёзилган - Zabur 142:6(141:6) Фарёдимга қулоқ солгин, Ахир, оёқ ости бўлиб
кетдим–ку. Мени таъқиб қилувчилардан қутқар, Улар мендан ғоят
куклидирлар.
Ёзилган - Zabur 143:9(142:9) Эй Эгам, мени ғанимларимдан қутқар, Паноҳ
истаб Сенга қочиб борганман.
Ёзилган - Zabur 147:14(147:3) Шоҳлигингга У тинчлик ато қиласди, Буғдойнинг
энг яхшиси билан тўйдиради.
Ёзилган - Zabur 149:6-9 Худога ҳамду сано тилларидан тушмасин, Қўлларида
дудама қиличлар бўлсин, 7 Токи ёт халқлардан қассос олсин, Элатларга
жазосини берсин, 8 Уларнинг шоҳларини занжирбанд қилсин,
Аслзодаларига темир кишанлар солсин. 9 Улар устидан Худонинг ҳукмини
ижро этсин, Тақводорлари учун шараф шудир. Эгамизга ҳамду санолар
бўлсин!